

Saksprotokoll i Utval for kultur, idrett og regional utvikling - 12.02.2019

Katrin Innvær Ankervold (A) stilte spørsmål om ho var inhabil. Innvær Ankervold gjekk frå under vurderinga av spørsmålet om ho var inhabil. Utval for kultur, idrett og regional utvikling vedtok samrøystes at Innvær Ankervold ikkje var inhabil.

Innvær Ankervold tiltredde saksbehandlinga.

Beate Husa (KRF) sette på vegner av KRF, AP, SP, H, V og FRP fram slikt forslag:

«Tilleggsdokument frå fylkesadministrasjon blir fremma til fordel for opprinneleg framlegg, med følgjande endringar i punkt 5:

Tillegg til nr. III:

«Hordaland fylkeskommune rår til at følgjande tekst blir innarbeidd i planen:

«Eksingedalen kyrkjestad (id 84 083) og Stamnes kyrkjestad (id 85543) er automatisk freda. Det er ikkje tillate å gjere tiltak som kan virke inn på den automatisk freda kyrkjestaden med mindre det ligg føre dispensasjon frå kulturminnelova. Innanfor mellomalderkyrkjegarden er gravlegging berre tillate i gravfelt som har vore i kontinuerleg bruk etter 1945. Gravfelt som ikkje har vore i bruk etter 1945 skal ikkje brukast til gravlegging. Gravminne som er eldre enn 60 år skal ikkje bli flytta eller fjerna utan at kulturminnemyndigheitene er gitt høve til å komme med fråsegn. Ein eventuell søknad om løyve til inngrep eller tiltak so m kan ha innverknad på kulturminnet skal bli sendt rette kulturminnemyndigheit i god tid før arbeidet er planlagt sett i gang. Kostnadar knytt til nødvendige undersøkingar skal belastast tiltakshavar, jamfør kulturminnelova § 10.»

Nytt punkt IV:

«Vegfaret Dalseid - Eidslandet er statleg listeført. Innanfor omsynssona skal det ikkje etablerast tiltak som kan forringe kulturminneverdien. Vegen skal bevarast uendra eller førast tilbake til opphavleg utføring i tråd med dokumentasjon og i samråd med kulturminnestyresmakt. Mindre endringar kan berre tillatast etter ei kulturminnefagleg vurdering hos kulturminnestyresmakt».

Utval for kultur, idrett og regional utvikling meiner riksantikvaren sin tekst er for streng, men ber kommunen innarbeide ein tekst som ivaretar vegen som kulturminne. Utvalet ser behovet for at mellom anna trafikksikringstiltak vert iverksatt».

Røysting

Fylkesrådmann sitt forslag punkt 1 vart samrøystes vedteke.

Fylkesrådmann sitt forslag punkt 2 fekk ingen røyster og fall.

Fylkesrådmann sitt forslag punkt 3 vart samrøystes vedteke.

Husa sitt forslag punkt 4 vart samrøystes vedteke mot ingen røyster for fylkesrådmann sitt opprinnelege forslag.

Husa sitt forslag med endringar i punkt 5 vart samrøystes vedteke mot ingen røyster for fylkesrådmann sitt opprinnelege forslag.

Vedtak

Utval for kultur, idrett og regional utvikling har slike merknader til kommuneplanen sin arealdel:

1. Framlegg til rullert arealdel av kommuneplanen har mål og legg føringar som i det vesentlege er i samsvar med ønska regional utvikling og med regionale planar. Bygging av ny veg og bane mellom Arna og Stanghelle (K5) er eit viktig nasjonalt og regionalt infrastrukturiltak. Utvalet har forståing for

den krevjande situasjon det er å planleggja framtidig arealbruk når statleg plan for K5 ikkje er vedteken. Kombinasjonen med områdereguleringsplanar for stasjonsbygdene ser utvalet som ein god arbeidsmåte.

2. Føresegner og retningslinjer for arealbruk til handel i regional plan (4.1 og 4.2) må innarbeidast i føresegner og retningslinjer til arealdelen av kommuneplanen. Det er knytt motsegn til dette punktet om dette ikkje vert gjort.
3. Utval for kultur, idrett og regional utvikling meiner arealdel 2018 – 2030 av kommuneplan for Vaksdal kommune er i konflikt med regionale og nasjonale kulturminneinteresser. Det knytt motsegn til fylgjande punkt:
 - I. Vaksdal kommune må retta opp kart ved Dalegarden med omsyn til manglande kulturminnemarkering id 238862. Motsegn vert trekt når kommuneplankartet er retta opp.
 - II. Hordaland fylkeskommune ber Vaksdal kommune sikre kulturminne som er nemnd i kulturminneplanen. Desse må visast i kart som omsynssone H570 knytt til føresegner og retningslinjer. Motsegn vert trekt når kommuneplankartet er retta opp.
4. Utval for kultur, idrett og regional utvikling har særlege kulturminnefaglege merknader til KPA:
 - I. Det er ikkje gjennomført arkeologiske registreringar i kommuneplanen sitt arealdel. Hordaland fylkeskommune må ta atterhald om automatisk freda kulturminne i samband med nye byggeområde, spreidd busetnad og næring inn til undersøkingsplikta etter §9 i kulturminnelova er oppfylt og tilhøvet til automatisk freda kulturminne er avklart.
 - II. Fornminna id 66545, 215630, 25652 og 6091-1 er fornminne som har lagt i ei større klynge av kulturminne. Hordaland fylkeskommune vil rå til at eit samanhengande areal rundt desse får lagt til omsynssone H570.
 - III. Hordaland fylkeskommune rår til at følgjande tekst blir innarbeidd i planen:

«Eksingedalen kyrkjestad (id 84 083) og Stamnes kyrkjestad (id 85543) er automatisk freda. Det er ikkje tillate å gjere tiltak som kan virke inn på den automatisk freda kyrkjestaden med mindre det ligg føre dispensasjon frå kulturminnelova. Innanfor mellomalderkyrkjegarden er gravlegging berre tillate i gravfelt som har vore i kontinuerleg bruk etter 1945. Gravfelt som ikkje har vore i bruk etter 1945 skal ikkje brukast til gravlegging. Gravminne som er eldre enn 60 år skal ikkje bli flytta eller fjerna utan at kulturminnemyndigheitene er gitt høve til å komme med fråsegn. Ein eventuell søknad om løyve til inngrep eller tiltak so m kan ha innverknad på kulturminnet skal bli sendt rette kulturminnemyndigheit i god tid før arbeidet er planlagt sett i gang. Kostnadar knytt til nødvendige undersøkingar skal belastast tiltakshavar, jamfør kulturminnelova § 10.»
 - IV. «Vegfaret Dalseid - Eidslandet er statleg listeført. Innanfor omsynssona skal det ikkje etablerast tiltak som kan forringe kulturminneverdien. Vegen skal bevarast uendra eller førast tilbake til opphavleg utføring i tråd med dokumentasjon og i samråd med kulturminnestyresmakt. Mindre endringar kan berre tillatast etter ei kulturminnefagleg vurdering hos kulturminnestyresmakt».

Utval for kultur, idrett og regional utvikling meiner riksantikvaren sin tekst er for streng, men ber kommunen innarbeide ein tekst som ivaretar vegen som kulturminne. Utvalet ser behovet for at mellom anna trafikkisikringstiltak vert iverksatt
- V. Hordaland fylkeskommune ber om at føresegner og retningslinjer i kommuneplanen sikrar at areal som gjeld utfylling i sjø vert sendt Hordaland fylkeskommune til fråsegn.
- VI. Hordaland fylkeskommune ber om at punkt 1.6.2 i føresegner og retningslinjer justerast til:

«Verneverdige einskilde bygningar, kulturmiljø og andre kulturminne skal takast vare på som

bruksressursar og setjast i stand.»

- VII. Hordaland fylkeskommune ber om at Vaksdal kommune gjennomfører ei kulturhistorisk analyse av stasjonsbyane Vaksdal, Stanghelle og Dale.

